

古今識鑒

義



古今識鑒卷之三

三國

四明袁

忠徹編輯

漢昭烈姓劉氏諱備字玄德身長七尺五寸手垂過膝目
顧見耳曹操稱為大耳兒孫權稱其梟雄之姿
曹操字孟德微時人莫知者嘗往候橋玄玄見而異之曰
今天下將亂安生民者其在茲乎許劭曰君治世之能
臣亂世之奸雄操喜漢末平群雄與吳蜀三分自封魏
王子丕篡漢追尊操武皇帝

吳大帝姓孫氏諱權字仲謀大口方頤目有精光上長下

短手垂膝初劉琬曰孫氏兄弟惟中弟形貌奇偉骨體不常有貴之表又最壽魏將張遼稱為紫髯將軍即皇帝位國號吳壽七十一而殂

諸葛亮字孔明身長八尺形細面龐猶如松柏皮膚枯槁文理滋潤內有根蒂之實外無風雨之患一日華秀名滿天下佐昭烈為丞相卒謚忠武侯

關羽字雲長狀貌雄偉美鬚髯面紅頭側蜀漢佐命功封壽亭侯

張飛字翼德環眼虎鬚雄壯威猛鼙鼓如雷貴相也但睡卧張目如怒後被帳下張達范疆所殺封右將軍西鄉

侯

陶謙年十四猶綴帛為旛乘竹馬而戲蒼梧太守甘公見謙容貌異之許妻以女其夫人怒曰陶家兒遨戲無度不可甘公曰彼有奇表長必大成遂與之

司馬懿字仲達曹操聞懿狼顧相欲驗之乃召使前行令反顧面正向後而身不動謂世子丕曰司馬懿非人臣也必預汝家事丕與懿善每相全佑故得免後三世執魏權至孫炎篡立國號晉追尊懿宣皇帝

身長八尺肢躄洪大面鼻雄異

鄧芝字伯苗風骨秀爽張裕相之曰君年過七十位至大

將軍封侯先主亦大奇之後拜車騎將軍陽武亭侯
崔琰聲姿高暢眉目疎朗鬚長四尺甚有威重曹公敬憚
之後自殺

馬良蜀人謏之兄也眉間有白毫兄弟五人並有才名里
諺云馬氏五常白眉最良仕蜀漢官至侍中

諸葛瑾字子瑜有容貌風度但面長如驢一日吳主大宴
群臣令左右牽一驢面題諸葛瑾三字以譴之瑾子恪
取筆續之驢二字吳主笑而賜之

孫桓字叔武吳公子也儀容端正與陸遜共拒劉備以功
封丹徒侯

張裕善相術每舉鏡視面自知刑死未嘗不撲鏡於地後
果為劉備所殺

劉曄漢尚書趙晁之婿初妻長女早卒晁亦捐館夫人欲
以七女繼之曄求九姨夫人曰諺云薄餅從上揭曄曰
七姨骨寒相薄非曄之匹九姨骨肉停勻眉目清秀三
陽平滿遂納之生七子皆大官七姨適閔生不第落泊
寒餒晚歸趙氏終身

魏文帝姓曹氏諱丕操之長子操為魏王未立太子時善
相高元呂曰貴不可言問壽幾何曰至四十後登帝位
果四十而殂

文德郭后少時骨法秀異聲音清澈眉目分明父永奇之
曰此女乃女中王遂以女王為字配魏文帝果位中宮
鍾繇字元常幼時嘗後族父至洛陽道遇相者曰此童有
貴相然日下有水厄行未十里度橋馬驚墮水幾死繇
與荀攸善善相朱建平視二人曰荀君雖少然當以後
事付鍾君繇曰嘲攸曰惟當嫁卿何為耳後果先卒繇
經紀其門戶嫁其妾阿鶩使得善處繇仕魏至太傅
朱桓字休穆鬚如蝟毛獸鬣仕吳為大將軍以破曹仁功
封嘉興侯

邴原字根矩荀彧謂曹操曰此一世異人士之精藻公宜

禮待

王粲字仲宣狀貌侵小文章弘贍若也聞其在門倒屣迎
之一座盡薦

丁儀字正禮風儀秀朗文學該洽一目微眇曹操欲妻以
女曹丕惡其與曹植善以目眇沮之操後悔曰雖兩目
俱眇不妨可妻

司馬昭字子上懿之子也聞沛人朱建平善相術昭名問
已之年壽建平曰將軍當壽八十至四十時當有小死
皆如其言又令徧閱諸賓無不驗

嵇康字叔夜身長七尺八寸美詞氣有風儀雖土木形骸藻飾

人以為袖仙之面。龍章鳳姿，天質自然。名重天下，吏部尚書山濤薦康自代。康與書告絕。鍾會譖於司馬昭，被害。魏舒字陽元，身長八尺二寸，姿望秀偉。少孤，養於外家。舒氏以漁獵為事，唯太原王又謂舒當為台輔。文帝深器重之，每朝會，罷目送之，曰：「魏舒堂堂人之領袖也。」晉武帝拜右僕射、進司徒。

四晉

晉武帝姓司馬氏，諱炎，字安世，髮長委地，手過膝。初卜世子何曾，裴秀曰：「天表如此，固非人主之相也。」

武元楊皇后諱豔，字瓊芝，少聰慧，姿質美麗，有善相者嘗相，后當極貴。文帝聞之，而為世子聘焉，是為武帝皇后。陸機字士衡，吳丞相遜之孫，抗之子也，身長七尺，其聲如鐘，文學蓋世。仕晉為大都督，遇害。

何晏字平叔，面白如傅粉。晉武帝以熱湯餅試之，汗大出，拭以朱衣，愈白。常行步顧影，管輅相之曰：「視候則魂不守宅，血不華色，精爽煙浮，容若槁木，此為鬼幽，亦非遐福之相也。」果早卒。

鄧颺管輅相之曰：「行步筋不束，骨脉不制，肉起立，傾倚若無手足，此為鬼躁，非遐福之象也。」

管輅字公明，容貌儼醜，無威儀。嘗謂弟曰：「吾額上無生骨。」

目中無守精鼻無梁柱脚無天根背無三甲腹無三壬
皆不壽之相也恐四十七八不見男婚女嫁矣

衛玠字叔寶風神秀異祖父瓘曰此兒有異於衆顧吾年
老不見其成長耳捻角乘羊車入洛市人見者以為玉
人卒後劉惔謝尚共論人物或問玠又可比衛玠否尚
曰安得相比其間可容數人惔曰杜乂形清叔寶神清
有識者所重如此

嵇紹康之子起家為秘書丞王戎曰昨於稠人中始見嵇
紹昂昂然如野鶴之在鷄群也官侍中

山濤字巨源初布衣家貧謂妻韓曰忍饑寒我後當作三
公不知卿堪夫人否王戎有人倫鑑識嘗目濤如璞玉
良金人皆歛其寶莫知名其器裴蒨稱其若登山臨水
幽然深遠為吏部尚書甄拔人材咸至顯要王戎見之
曰真宰執也加尚書僕射侍中進司徒

和嶠字長輿原自宗重度數見而歎曰嶠森森如丁丈松
雖礫硠多節目施之大厦有棟梁之用晉武帝拜為黃
門侍郎中書令惠帝進太子少傅

夏侯玄裴楷目之曰肅肅如宗廟中但見禮樂器

鍾會字士秀太傅繇之子少敏惠夙成蔣濟請觀其眸子
可以知人年五歲繇令見濟濟大異之曰非常人也後

同鄧艾伐蜀封縣侯謀反為亂兵所殺裴楷目之曰
如觀武庫森森但見矛戟在前

傳嘏裴楷目之曰汪洋靡所不見

裴頡字逸民王戎目之曰頡拙於用長荀勗攻於用短陳
道寧縵、如束長竿相之不同如此也

張華字茂先美風姿少孤貧阮籍見而異之曰王佐之才
也華嘗言少時有相者言吾出六十位登三公斯言豈
効歟然歪鬚常以錦囊盛之陸雲入洛素有笑癖見之
輒大笑華後遇害蓋歪鬚之徵也仕至廣武侯兼少傅
侍中

王戎字濬冲幼穎悟為人短小神采秀澈目視日不眩裴
楷見之曰爛、如岩下電阮籍嘗過其父渾良久熟視
曰濬冲清爽非卿倫也後拜司徒封安豐侯

石苞字仲容雅曠有智局容儀偉麗時人語曰石仲容貌
無双為縣吏謁者郭玄信奉使求人為御苞與卸艾給
之玄信謂二人曰子後並當至卿相苞曰御吏也何卿
相乎久之見吏部郎許允求為小縣允曰卿是我輩人
當相引在朝廷何欲小縣乎苞歎允之知己後佐晉武
帝踐祚累遷大司馬封樂陵郡公加侍中

石崇字季倫貌侖神仙般似鼓父苞臨終悉以家財分遺

諸子崇最少不與苞曰此兒後當自有年二十為脩武令有能名遷城陽太守伐吳有功封安陽鄉侯後趙王倫收崇誅之

趙至字景真嵇康曰卿瞳子黑白分明頭小而銳有白起之風矣仕幽州郡從事

張載字孟陽貌極醜惡游洛陽市群女以瓦石擲之仕晉為著作郎當代文宗也

武陔字元夏二弟韶字叔夏茂字季夏並總角知名鄉閭宿望莫能覺其優劣同郡劉公榮有知人之鑒陔父周見其三子焉公榮曰皆國士也元夏精神澄澈為優有

輔佐之才陳方就刻可為亞公叔夏四續分明季夏五岳峻峭不減常伯納言也後陔至歲同三司韶散騎常侍茂清直方正官亞於陔位至尚書

顧思遠頭有肉角長寸許人重異之壽一百二十歲七子迨死少者亦六十矣

庾敳字子嵩身不滿七尺而腰帶十圍雅有遠韻參晉東海王越軍事轉軍諮祭酒越府多幽異敳在其中常自神旺後石勒亂被害

李安仁晉明帝大會新亭勞軍以樗蒲為戲安仁五擲皆勝盧帝大驚視安仁曰卿面方似田封侯相也

王澄字平子兄衍有人倫之鑒尤重澄及王敦庾敳嘗為天下人士目曰平子第一子嵩第二處仲第三澄謂衍曰兄形似道而神峯太雋衍曰誠不如卿落穆然也澄由是顯名有經澄所題目者衍不復有言輒云已

經平子矣

子嵩庾敳字處仲王敦字

王湛字處冲渾之弟也身長七尺八寸龍顏大鼻少有識度美姿容官至汝南內史

王敦字處仲尚晉武帝女與從弟導翊戴元帝中興洗馬潘滔曰蜂目已露但豺聲未振若不噬人亦當為人所噬後拜侍中大將軍江州牧果叛逆

甘卓為應陽太守陳訓相之曰甘侯頭低而視昂法曰眇刀眼又亦緩自外而入不十年必主兵死後被王敦所殺

王彌東萊人有才幹博涉書記少游俠京師隱者董仲道見之曰君豺聲豹視好亂樂禍若天下搔擾不作士大夫矣晉惠帝末彌為群盜多權略凡有掠預岳成敗弓馬迅捷膂力過人青土號為飛豹與劉曜陷京城遷懷帝於平陽

裴楷字叔則風神高邁容儀俊爽特精義理一時謂之玉人見者如近玉山照映人也仕至光祿大夫

王衍字夷甫王戎有人倫鑑識常目衍曰神姿高澈風采
詳雅如瓊林玉樹自然風塵表物王敦稱其處衆中如
珠玉在瓦石間顧愷亦云衍宕、清峙壁立千仞掌絛
角造山濤濤嗟歎良久既去目送之曰何物老嫗生寧
馨兒然誤天下蒼生者未必非此人也衍終日清談手
持白玉柄麈拂與手同色嘗與王道真共車攬鏡自照曰
尔看我目光已在牛背上矣其相為人見尚如此永嘉
初拜司徒

羊祜字叔子身長七尺餘美鬚眉少遊汶水濱一老父謂
曰孺子有好相未六十必建大功於天下既而不見果
至尚書右僕射征南大將軍加太傅

賈后晉賈充之女諱南風初武帝議擇太子妃帝曰衛瓘
女種賢而多子美而長白賈家種妬而少子醜而短黑
後竟婚賈氏后性凶淫放恣及惠帝即位立為后誅楊
駿矯弑楊太后及殺太子適并母謝氏後齊王冏等矯
詔以金屑酒賜后死果如帝言

東晉五胡

晉元帝姓司馬氏諱睿生於洛陽有滿室神光之異及長
白毫生於日角之左隆準龍顏目如精曜顧盼燦如也
初為琅琊王嵇紹曰毛骨非常殆非人臣之相也

王瓌字茂弘瓌之孫也少有風鑑識量清遠年十四陳留
高士張公見而異之謂其後兄敦曰此兒容貌志氣相
輔之踞也佐元帝中興輔明帝成帝累官輔國將軍司
空錄尚書事進封郡公加大傅久在相位多病每自憂
患以問陳訓曰公耳豎垂肩必壽亦大貴子孫當顯於
江東咸如其言

杜乂字弘理有盛名王羲之曰杜君膚若凝脂目如點漆
此神仙中人也劉琰稱其形清早卒鎮南將預之孫也
女為成帝后追贈金紫光祿大夫

桓彝字茂倫大司馬溫之父也性通明美儀表有人倫識
鑑周顛見而歎曰茂倫嶽嶠磊落相之也袁宏曰茂
倫風飄散朗或搜或引身雖可亡道不可殞宣城之節
信義為允

楊準與樂廣善準生二子曰喬曰髦使二子先詣裴頠頠
性弘方愛喬有高韻當及卿髦少減也又使二子詣廣
廣性清淳愛髦有神檢喬自及卿髦亦清出準笑曰我
二子之優劣乃裴樂之優劣也或論喬雖有高韻而神
檢不足樂之論得之矣

謝安字安石甫四歲桓彝見曰此兒風神秀澈王濛又曰
此兒溫然如玉治世良吏而威儀禮節壹逼人後錄

尚書事加太傅卒謚文靖

周允為都水參軍善相陳訓曰君幼年當割符近郡百年當有曲蓋允曰脫如君言當相薦按訓曰性不好官唯欲得米耳後允果為義興太守金紫將軍

陶侃字士行善相師圭相之曰君左手中拍豎紋當為三公若上達貴不可言侃以針刺決之見血洒壁成公字後果應其言又陳訓相之曰陶君與周訪皆位方岳功名略同但陶上壽周下壽晉成帝拜侃都督交廣荆江等八州軍事封長沙公卒謚曰桓

周訪字士達陳訓相之曰君與陶侃皆位至方岳功名略同但君下壽耳東晉官至大將軍

桓溫字元子生未朞溫嶠見之曰此兒有奇骨可試使啼聞其聲似虎嶠謂其父彝曰真英物也以嶠所賞遂名曰溫及長豪爽有風槩姿貌甚偉面有七星劉琰相其眼如紫石稜鬚如蝟毛磔孫仲謀晉宣王之流亞也初溫自以雄姿似宣帝劉琨之儔北伐還得一巧作老婢乃琨妓也見溫而泣溫問其故荅曰公甚似劉司空溫喜而笑更衣坐問婢又云面甚似恨薄眼甚似恨小鬚甚似恨赤形甚似恨短殼甚似恨雌溫視冠解衣昏睡數日不樂常有受禪志不就而死

蔡裔有勇氣聲如震雷二盜入室裔撫床一呼二盜俱殞
晉殷浩舉之

杜皇后晉成帝之后少有姿色然長猶無齒有求婚者輒
中止及帝納采之日一夕齒盡生后未崩先是二吳女
子相與簪白花望之如捺傳言天公織女死為之著服
至是后崩

晉簡文帝姓司馬氏諱昱字道萬元帝少子也幼竒疑郭
璞見謂曰興晉祚者必此人也及長有風儀善容止神
識恬暢封琅琊王波門支遁言王有遠體而無遠神即
位二年崩

前趙主姓劉氏字元海匈奴人父豹母呼延氏夢大魚
頂有二角軒髻躍鱗變為人左手把一物大如半鷄子
光景非常授之曰此是日精服之生貴子自是十三月
而生淵左手文有淵字遂以名焉姿儀魁偉猿臂膂力
過人晉為寧朔將軍歸左國城稱大單于尋即皇帝位
子聰

趙主曜姓劉氏漢主淵之族子生而眉白目有赤光鬚髯
百餘根長五尺身長九尺三寸手垂過膝

後趙主勒姓石氏字世龍上黨羯人生有赤光滿室白氣
屬庭年十四隨人行販洛陽倚嘯上東門王衍見而異

之曰吾觀其聲視有奇志恐為天下患馳騎收捕已亡
去長壯雄武一老父謂曰君魚尾髮際上骨四道已成
當為人主果篡曜位

秦主堅本姓蒲三秦王洪之孫堅生有神光自天燭其庭
背有文隱起成字曰艸付洪因改符氏手過膝目有紫
光高平徐統有知人鑒密謂之曰君骨相不凡有霸王
之相後當大貴果即大秦皇帝

慕容皝字元真燕王廆第三子也龍顏版齒雄毅多權略
既嗣位有黑白二龍見于龍山皝率群僚觀之二龍交
首嬉翔解角而去在王位一十五年

後燕主皝姓慕容氏字道明燕王皝第五子少岐疑有器
度身長七尺七寸手過膝皝常目之曰此兒闊達好奇
終能破人家或能成人家初封吳王見忌奔符堅堅敗
復稱後燕僭即帝位一十二年

南燕主德字玄明垂少弟也姿貌雄偉額有日角隱月重
文与兄垂復立燕以德鎮鄴垂殂子寶失國德僭即帝
位都廣固號南燕在位五年

慕容氏燕主暉之妹清河公主也年十四有殊色秦主堅
滅燕見其骨相秀拔舉動端恪堅納之寵冠後庭暉弟
冲年十二亦有龍陽之姿堅亦嬖幸長安歌曰一雌復一

雄雙飛入紫宮

段元妃後燕主慕容垂之后少與妹季妃姿容皆婉慧骨
竒常謂妹季妃曰我終不作凡人妻季妃亦曰我無肩
有骨亦不為庸人婦隣人聞而笑之後慕容垂納元妃
為繼室范陽王德納季妃俱稱帝后

李氏蜀主雄之妹臉帶三拳

呂光字世明生有神光之異目重瞳左肘有肉印王猛異
之曰此非常人也符堅以為驍騎將軍後堅敗自領涼
州牧僭號三河王尋即天王位國號後涼

蜀主李雄美容貌相者曰目如重雲鼻如龜龍口方如鼉

耳如相望上貴之相也雄果僭帝位三十年

劉元海身長八尺四寸鬚長三尺當心有赤毫三根長三
尺

李太后晉簡文帝為會稽王時織坊婢名陵容王三子皆
天姬妾不育王出宮人使善相者視之曰皆非其人及
視織坊諸婢見李氏黑而長目下有卧蚕宮中謂之崑
崙相者驚曰此其人也王台之侍寢數夢兩龍繞膝日
月入懷上皇太子昌明及會稽王道子尊為太后

古今識鑒卷第四

南朝

四明袁 忠徹編輯

宋武帝姓劉氏諱裕字德興夜生神光照室及長雄傑有大度身長七尺六寸風骨竒偉微時桓玄僭洋帝從桓脩入朝時常叟善相私謂帝曰君輔骨插天貴不可言桓玄謂司徒王謐曰劉裕風骨不常蓋人傑也玄后劉氏有智鑑謂玄曰劉裕龍行虎步視瞻不凡恐終非人下沈攸之初詣領軍劉遵考求補白丁隊主遵考以攸之五小形陋不堪攸之曰昔孟嘗君身長六尺為齊相求士

豈取貌之肥大者哉後倂之官至鎮西將軍荊州刺史
檀憑之與劉裕同舉義討桓玄有善相常叟曰君黑氣入
耳有急兵之厄不過三四日果為桓玄所敗死之

宋太子劬文帝長子后袁氏初生劬詳視白文帝曰此兒
形貌異常必破國亡家不可舉帝狼狽至戶外手撥幔
禁之乃止立為皇太子懼廢起兵弑父弟武陵王駿斬
之并其子皆伏誅

謝晦字宣明美風姿眉目分明鬚髮如墨嘗同謝混在宋
武帝前帝曰一時頗有兩玉人

宋孝武帝姓劉氏諱駿字休龍文帝第三子夜生有光照
室少悅穎神明爽發立為武陵王鎮彭城魏使尚書李
孝伯至遣長史張暢與語王改服觀之孝伯目帝不輟
及出謂人曰張侯側有人風骨視瞻非常人也太子劬
弑逆王斬之遂紹大統

褚彥回鬚髯如戟美儀貌善容止俯仰進退咸有風則宋
明帝嘆曰彥回能遲行緩步便得宰相矣後與袁粲同
受明帝顧命粲曰褚公眼睛多白所謂白虹貫日亡宋
者必此人也彥回果歸齊高帝

謝靈運晉康樂公玄之孫欲入遠公社遠公拒之曰子髮
鬚而鬚美面與身戾非令終之相靈運怒曰學道在心

安以貌耶遠公笑而不荅後棄市果如所言

齊高帝姓蕭氏諱道成字紹伯身長七尺五寸姿表英異
龍頰鐘聲鱗紋遍體肩有赤痣如日月之狀宋明帝常
疑之曰蕭道成非人臣之相也後果代宋

齊明帝姓蕭氏諱鸞初為宣城王有異志恐人不服以胛
上赤痣示王洪範曰人言此是日月相卿幸勿泄洪範
曰公日月在軀如何可隱當轉言之

梁武帝姓蕭氏諱衍字叔達生而狀貌殊特日角龍頰重
岳虎顧舌紋八字兩髀駢骨項上隆起有紋在右手曰
武微時王儉竒之曰蕭郎三十內當作侍中出此貴不

可言但縱紋入口終當餓死嘗泊牛渚一老人曰君龍
行虎步相不可當安天下者其在君乎

梁簡文帝諱綱字世纘武帝第三子方頤豐下鬚髮如畫
直髮委地双眉翠色目光燭人手執玉如意不相分辨
丁貴嬪梁武帝之妃帝嘗登樓望樊城見漢濱五彩如龍
下遊女子遂詔而問之曰臣左髀有赤痣上有五彩而
體多疣子年十四帝竒之因贈金環納之其疣並失其
所在

沈約字休文左目重瞳腰有紫痣聰明過人梁武帝受禪
拜尚書僕射

王敬則兩腋下生乳各長數寸母期其必貴謂人曰吾兒
應得鳴鼓角人笑曰汝子必為人吹鼓角仕南齊位至
大司馬封侯給鼓吹

呂僧珍童時有相者曰此兒有奇骨封侯相也初從梁武
起兵一夜頭痛發熱及明頰骨益大後至領軍封平固
侯

到既字茂灌彥之之孫身長八尺眉目如點白哲美鬚髯
舉動風飄仕宋歷御史中丞吏部尚書

王儉字仲寶骨清神秀年數歲袁粲見之曰宰相之門地
枯栢豫樟雖小已有棟梁器終當任人家國事叔父僧

虔曰我不患此兒無名正恐名太盛耳佐齊高帝受禪
拜尚書右僕射領吏部卒謚文憲

侯景左足上有肉瘤狀如龜戰應克捷瘤則隱起分明如
不勝瘤低及王僧辨至石頭瘤隱陷肉中又右足偏短
多籌畫不便弓馬叛魏奔梁武帝納之後僭逞起兵圍
臺城困逼武帝被誅

何點字子哲司空尚之之孫明目秀眉容貌方雅宋齊間
徵為太子洗馬中書侍郎並不就梁武帝即位徵為侍
中既至將帝鬚曰乃欲臣老子辭疾不就

徐勉字脩仁宗人孝嗣見曰此所謂人中之騏驥必能致

千里後果為相

何炯美姿容從父默曰衛玠神清杜乂形清今觀此子衛
杜形神殊異

江恣少育於外舅蕭勸曰尔神采英拔語言清亮後當出
吾右仕陳為尚書

章昭達少遇相者曰卿形貌甚善頰小虧則貴後醉墮馬
鬢角小傷相者曰未也侯景之亂中流矢眇一目相者
曰卿相善矣仕陳位至司空

徐陵母臧氏嘗夢五色雲化為鳳集左肩上已而生陵沙
門寶誌摩頂曰天上石麒麟也目睛青時人以為聰慧
之相神仙中人也

徐之才幼時俊發有燕頤劉孝焯曰徐郎燕頤有非定遠
之相也

庾夔家富於財食必列鼎狀貌豐美頰頰開張人謂必為
方伯及魏江陵卒至餓死時有水軍都督褚燕面甚尖
危縱理入口竟保衣食而終

仙人

龔祀武陵人風度端雅容止可觀危述見之曰此荆楚之
馬樞隱茅山目睛洞黃能暗中視物南陳人
荀士遜狀貌甚醜仕齊為中書舍人時號醜舍人

何敬容沙門寶誌曰君後必貴終是何敗耳及為宰相以
為何姓當為禍抑沒宗族無仕進者後果為河東王譽
白其私書而敗

釋曇如是白於面雖跣涉泥水未嘗汚濁人稱之曰白足
和尚

全景文微時與沈攸之孫超之同出東都引船過津有相
之曰三人皆當為方伯苟不驗相書誤爾後果仕劉宋
傅昭字茂遠袁覬見之曰此兒神清不凡必成佳器梁天
監中為黃門侍郎

鮑泉字潤玉梁元帝曰卿面如冠玉髮如蠟毛

張融風止詭越坐則危膝行則曳步翹身仰首見者驚異
齊高帝曰此人不可無一不可有二

賀革字文明南梁人長七尺八寸雍容都雅吐納醞藉
王彧字景文美風度袁粲曰景文非但風流可悅乃嘯歎
亦復可觀有一客及見謝琨荅曰景文方謝叔源則為
野父矣粲曰恨眼中不見此人

黃回為南充刺史齊高帝以回終不附已使召之及上車
愛妾見赤光冠其頭至足苦止不肯住至京果見誅

章皇后陳武帝之后手爪長五寸色並紅白每遇暮功之
服則先折一爪

張貴妃名麗華陳後主之妃髮長七尺鬢髮如漆其光可
照特聰慧有神采進止閑雅容色端嚴每瞻視光彩溢
目宮人望之若神仙焉

北朝

後魏文成帝姓拓跋氏諱濬隆準龍顏立髮委地卧則乳
垂至臍

高澄賈子儒相之曰人有七尺之軀不如一尺之面一尺
之面不如一寸之眼大將軍臉薄眇速非帝王相也果
如其言

崔浩纖妍潔白如美婦人嘗自比張良仕元魏官至侍中
撫軍大將軍進加司徒後以謗史伏誅

高允字伯恭崔宏見之嘆曰允黃中內潤文明外照必為
一代偉器也仕元魏官至中書令壽九十八

楊大眼眼如車輪勇冠三軍王康之初歸國謂曰在南聞
君之名以為眼如車輪及見乃不異於人大眼口槓鼓
相望瞋眸奮發足使君目不能視何必大如車輪世謂
關張弗過也淮泗荆沔間兒啼以大眼之名恐之即止
暴顯字思祖幼時一沙門相之曰此郎好相表必為良將
仕北齊為徐州刺史

高昂字敖曹幼有壯氣龍唇豹頸姿軀雄異常曰大丈夫

當橫行天下取官貴誰能端坐讀書作老博士耶仕北齊為西南道大都督

盧曹北齊范陽人身長九尺髭毛逆如猪鬣力能拔樹嘗卧疾猶伸足舉二人

斛律光字明月馬面彪身神爽雄傑尚騎射彭樂謂高敖曹曰斛律家小兒不可三度將行後奪人名

趙彥深北齊神武嘗與對坐以手捫其額如覆肝曰若假卿年必大有所至拜神武參軍

去弼代人也頭銳元魏太武命之曰筆頭時人呼為筆頭公以功爵靈壽侯遷尚書令

胡小兒為宦官北齊後主猶以宮掖驅使但眼鼻深峻一無可取專一非禮愛好排突朝貴人士尤疾之

任城王澄後魏人音韻適雅風儀秀逸張彞曰往魏任城以武著今魏任城以文見美

崔陵鄭伯收見而歎曰身長八尺面如刻畫聲效如洪鐘胸中貯萬卷書使人豈不畏服之哉仕元魏官侍中

裴讓之字士禮北齊文襄見其容儀醞藉目之曰士禮乃佳舍人也

楊愔北齊人為兒時風度深敏不好戲弄其從兄昱曰此兒駒齒未落已是我家龍文更十歲後當求之千里外

王慧龍元魏人晉尚書僕射愉之孫宋武帝誅愉家慧龍
奔魏崔浩曰信王家兒也王氏世鱸鼻江東謂之鱸王
慧龍鼻骨聳直而漸大真貴種也數向諸公稱其美

楊裕字士倫幼時父奇之曰此兒非唯吾門之標秀乃佐
時之良器也為慕容皝謀主

宇文泰狀貌瓌偉背有黑子如龍蟠之形相西魏三主後
世子覺篡立追尊文帝

周宣帝姓宇文氏諱贇面古恠如鬼在位一年淫恣敗國
禪于太子自稱天元皇帝

燕子獻廣漢人少時相者曰富貴在齊趙後子獻歸高祖
至濛射開府 北齊

琅琊王儼北齊武成帝第三子後主時儼惡和士開駱提
婆奢恣二人相謂曰琅琊王眼光奕上數步射人由是

忌之除儼太保解餘官猶帶御史中丞於是彈士開等
罪惡矯詔誅之儼亦尋敗

高延宗北齊文襄王澄之子安德王也容貌充壯坐則仰
偃則伏人皆笑之

張景仁少工草隸常詣國學摸石經許子華見之曰張郎
風骨秀異舉止風生必當通貴非但官爵迂達乃取天
子同筆硯傳衣履後為北齊後主侍書累遷開府侍中

封建安王

許惇仕東魏為殿中尚書美髯鬚下垂至帶省中號長髯公後齊文宣因酒截其半人號齊髯公

寇績未貴時善相唐文曰君額上黑子入幘當至方伯封公後仕元魏果為南雍州刺史河南公唐文以百姓拜謁績曰往時卿言杜瓊不得官人咸謂不然及瓊為整屋令卿猶言相中不見瓊果暴卒吾以卿言瓊之驗亦復不息此望也厚賜之

趙綽後周時為都官侍郎隋文帝受禪拜大理少卿謂之曰朕於卿無所愛惜但卿骨相不當貴耳

李繪舅刑晏每與言歎之曰若披雲霧如對珠玉宅相之寄良在此甥

皇甫王北齊人初在魏見沙門善相游懷朔舉目見人皆有富貴之表以為必無此理燔相書後皆如其言乃知相法不虛

隋文帝姓楊氏諱堅姿相奇偉生有紫氣充庭母抱之忽見頭上角出遍躰鱗起大駭墜地為人龍頭額上有五柱入頂目光外射有文在手曰王沉深嚴重周太祖見而異之曰此兒風骨不似代間人遣善相趙昭視之昭詭云不過作柱國耳陰謂曰公當王天下必大誅殺而

後定善記鄙言來和子謂曰公眼如曙星無所不燭當
王天下齊王憲言於周主曰楊堅相貌不常臣每見之
不覺自失恐非人下請早除之內史王軌曰楊堅有友
相後果篡立

隋煬帝姓楊氏諱廣文帝次子為晉王時文帝使來和子
相之曰晉王美風儀眉上雙骨隆起貴不可言雖然經
云眉稜骨高一任作非為終亦難保後立為太子及即
位敗亂天下

王通字仲淹仇璋曰吾視其顙頰如也重而不亢目察如
也澈而不瞬口敦如也闕而不張鳳頭龜背鬚垂至腰
參如也與之行俯然而色卑與之言泛然而後應浪蘄
拖旋而不懼是必有異人者也隋文帝時獻太平十二
策不用教授河汾門人謚曰文中子

魚俱羅相表雄異目有重瞳隋煬帝忌之被誅

韓則來和子相之曰後四五當得大官人初不曉至隋開
皇十五年五月卒人問其故和曰十五為三五也加以
五月為四五大官擲也和言多如此

李德林美容儀善談吐仕齊為中書侍郎陳使江惔曰此
河朔英靈也

劉炫字光明隋人眸子清明視日不眩聰敏過人左手畫

方右手畫圓口誦目數百聽五事同舉無所遺失官至
太學博士

劉焯字士元犀額龜背望高視遠與劉炫以儒學知名世
稱二劉仕隋官至太常博士

古今識鑒卷四



